
**AKT THEMELIMI DHE STATUTI I
SHOQËRISË ME PËRGJEGJËSI TË KUFIZUAR
“WIFMANN” SHPK**

EMËRTIMI – SELIA – KOHËZGJATJA

NENI 1.

KRIJIMI, EMËRTIMI I SHOQËRISË.

- 1.1** Krijohet shoqëria me përgjegjësi të kufizuar me emërtimin “Wifmann” Shpk në vijim e quajtur “Shoqëria”.
- 1.2.** Shoqëria themelohet si shoqëri me përgjegjësi të kufizuar identifikuar në përputhje me legjislacionin shqiptar në fuqi.

NENI 2.

SELIA.

- 2.1** Selia e Shoqërisë ndodhet në adresën Tirana Industrial Park, Kapanoni nr 37, Tiranë .
- 2.2** Me vendim të Asamblesë së Ortakëve mund të hape zyra përfaqësie, degë, dhe/ose të krijoje filiale brenda dhe jashtë Republikës së Shqipërisë.

NENI 3.

KOHËZGJATJA.

- 3.1** Shoqëria do të zhvillojë aktivitetin e saj për një periudhë kohor me afat të papërcaktuar, në përputhje me legjislacionin shqiptar në fuqi, duke filluar nga rregjistrimi i saj në Qendrën Kombëtare të Rregjistrimit.

NENI 4.

OBJEKTI I SHOQËRISË.

- 4.1** Shoqëria ka për objekt të saj kryerjen dhe marrjen pjesë në të gjitha aktivitetet që një shoqëri me përgjegjësi të kufizuar mund të ushtrojë në bazë të legjislacionit shqiptar, dhe në veçanti:

- Studimin, projektimin, konsulencën, sipermarrjen zbatuese dhe investimin për realizimin me fonde publike dhe jo publike të impianteve për prodhimin e energjisë elektrike nga burime të rinovueshme (energji diellore, energji e erez hidrocentrale, hidrogjeni etj), financimin, vënien në punë, administrimin, prodhimin, shpërndarjen, eksportimin dhe shitjen e energjisë elektrike nga burime të rinovueshme si dhe ndërtimin e linjave të transmetimit të energjisë elektrike për tregëtim të saj, konsulence teknike në fusha të ndryshme, supervizion, menaxhime dhe studime të të gjitha llojeve, realizimi i kontratave, marrveshjeve, ortakerive, shoqerive të përbashkëta apo forma të tjera si dhe të realizojë tregëtimin dhe import eksportin e mallrave të ndryshme, industriale, ushqimore, mjeksore, të ndërtimit, të mediave, të mjeteve kryesore dhe ndihmese të prodhimit etj
- Punë kërkimore dhe zhvillim në fushën e inxhinjerisë dhe teknologjisë. Aktivitet në fushën e energjisë, instalimin e impianteve për prodhimin e energjisë elektrike nga burime të

rinovueshme (energji diellore, energji e eres hidrocentrale, hidrogjeni etj). Aktivitet ne fushen e ndricimit publik nga burime te rionueshme te energjise duke perfshire instalimin, tregetimin, kolaudimin e ketyre sistemeve. Shitblerje energjie ne sektorin privat dhe publik. Instalim pajisjesh elektronike per evidentimin e parametrave kimiko - fizike per monitorimin dhe gjurmimin e te dhenave elektronike. Projektim dhe Instalim te sistemeve te automatizuara ne shtepi, perfshire ketu sistemet e alarmit kundra zjarrit ne ndertesat e strukturave publike dhe private. Instalim te sistemeve te ngrohjes dhe ajrit te kondicionuar te paneleve diellore dhe sistemeve vaditese perfshire mirembajtjen dhe riparimin, Instalim, kolaudim dhe aktivizim te makinerive pajisjeve industriale, konsulence teknike, Dizajn. Tregetim te materialeve elektrike, elektronike dhe hidraulike per impiantet e prodhimit te energjise elektrike. Shitje produktesh dhe sherbimesh nepermjet internetit si kompani e sherbimit energjistik. Te promovojte optimizimin e kosumit te energjise permes teknikave te F.P.T.(Financimi I pales se trete) ne menyre qe te ulet kerkesa e energjise dhe te 2 redukohen emetimet e lendeve ndotese. Te promovojte dhe nepermjet trajnimeve te specializuara perhapjen e ketyre sistemeve. Import - eksport te artikujve te ndryshem transporti dhe pune, makineri e pajisje.etj. Aktivitete ne kuadrin e investimit dhe menaxhimit ne fushen e sherbimeve publike. Aktivitete ne fushen e investimeve dhe investitor ne fushen e ndertimit ne sektorin privat dhe publik per realizimin e veprave ne kete fushe dhe punime instalimi te specializuar. Prodhim, konvertim dhe montim i konstruksioneve metalike e plastike te mjeteve te ndryshme, si zjarrfikese, autoambulance, cisterna uji, fshirese rruges, kamion per pastrim, autoblindues, makine per mirembajtje dimerore, kripehedhese, makine per kanalizme e ujera te zeza dhe mjete te tjera te ngjashme. Shitje dhe blerje te makinerive dhe pajisjeve hidraulike, pneumatike, mjekesore. Te ofroje sherbime keshilluese per bizneset dhe te zbatoje projekte zhvillimore per subjektet private, institucionet qeveritare dhe institucionet financiare brenda dhe jashte Shqiperise. Gjithashtu shoqeria do te kryeje dhe cdo aktivitet tjeter te lejuar nga legjislacioni apo aktivitete ndihmese te veprimtarive si me siper.

4.2 Për të arritur objektin te saj, Shoqëria, me vendim te Asamblesë mund te realizoje drejtpërdrejtë apo në mënyrë të tërthortë çdo lloj pjesëmarrje në shoqëri të tjera shqiptare apo të huaja.

4.3 Shoqëria, dhe me qellim arritjen e objektit te saj, mund te lidhe marrëveshje tregtare apo bashkëpunimi me shoqëri apo ndërmarrje të tjera, si dhe të kryeje çdo veprim tregtar që do ta konsiderojte të nevojshëm.

KAPITALI.
PASURIA DHE FINANCIMI I SHOQËRISË

NENI 5.
KAPITALI THEMELTAR.

5.1 Kapitali themeltar i shoqërisë është 1,000 (një mijë mijë) Lek, i ndarë në 1(nje) kuote. Kapitali mund të zmadhohet ose zvogëlohet në përputhje me legjislacionin në fuqi.

NENI 6.
ORTAKËT.

6.1 Kapitali i shoqërisë zotërohet nga ortakët:

- *Arjeta Puca*, shtetase shqiptare, e bija e Shpëtim, lindur më datë 01.03.1987, në Zerqan, identifikuar me ID I75301107J, madhore e me zotësi të plotë juridike për të vepruar. Zotërues i 1 (një) kuote me vlerë 1,000 lekë, që përbën 100% të kapitalit themeltar të shoqërisë.

Ortakët nuk përgjigjen për detyrimet e shoqërisë tregtare dhe mbulojnë personalisht humbjet e shoqërisë deri në pjesën e pashlyer të kontributeve të nënshkruara.

NENI 7.
TRANSFERIMI I KUOTAVE.

Kuotat e kapitalit të një shoqërie me përgjegjësi të kufizuar e të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;
- c) trashëgimisë;
- ç) dhurimit;
- d) çdo mënyre tjetër të parashikuar me ligj.

Në rastin e kalimit të kuotave me kontratë, kontrata duhet të bëhet me shkrim.

7.1 Kuotat janë lirisht të transferueshme pa miratim paraprak të asamblesë së ortakëve.

7.2 Transferimi i kuotave duhet të realizohet në përputhje me ligjin dhe të regjistrohet në QKR sipas parashikimeve ligjore.

NENI 8.
FINANCIMI I SHOQËRISË.

8.1. Shoqëria me qellim arritjen e objektit të saj, do të kërkojë financimin nëpërmjet mënyrave ligjore si kredi bankare, hua, financim nga ortakët dhe çdo formë tjetër ligjore.

NENI 9.
ORGANET E SHOQËRISË.

9.1 Organet e Shoqërisë janë:

- Administratori,
- Asambleja e Ortakëve.

NENI 10.
ADMINISTRATORËR
FUNKSIONET DHE KOMPETENCAT.

10.1 Shoqëria administrohet nga 1 (një) Administrator. Administratori janë të autorizuar të kryejnë të gjitha veprimet tregtare të shoqërisë pa kufizim kompetencash, përveç atyre që ligji, akti i themelimit dhe statuti ja ngarkon Asamblesë së Ortakëve.

10.2 Administratori i shoqërisë kryen administrimin e zakonshëm dhe të jashtëzakonshëm të shoqërisë. Shoqëria ka si administrator znj. Arjeta Puca, me të dhëna si më sipër.

10.3 Administratori ka të gjitha kompetencat për përfaqësuar shoqërinë në marrëdhënie me të tretët. Ai vepron në emër të shoqërisë dhe nënshkruan çdo dokument të shoqërisë. Administratori nuk ushtron kompetencat që ligji ose aktet e shoqërisë ja japin shprehimisht Asamblesë së Ortakëve. Administratori emërohet për një afat **5 vjeçar** me të drejtë rizgjedhje.

10.4 Administratori mund të autorizoj një person të kryejë veprim në QKR si depozitim aktesh, vendimesh, bilance, statutit dhe çdo akte tjetër.

10.5. Administratori përfiton shpërblim/pagesa për punën e tyre me në masën e përcaktuar me vendim të asamblesë së ortakëve.

11.6. Administratorët kanë të drejtë e detyrohen të:

- a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikën tregtare, të vendosura nga asambleja e përgjithshme;
- b) përfaqësojnë shoqërinë tregtare;
- c) kujdesen për mbajtjen e saktë e të rregullt të dokumenteve dhe të librave kontabël të shoqërisë;
- ç) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
- d) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;

- dh) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- e) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- ë) kryejnë detyra të tjera të përcaktuara në ligj dhe në statut.

NENI 11.

ASAMBLEJA E ORTAKËVE.

- 11.1.** Asambleja e Ortakëve është organi me i larte i shoqërisë dhe vendos për çdo çështje qe ligji ose ky statut ia rezervon asaj. Vendimet e Asamblesë janë te detyrueshme te zbatohen nga organet e shoqërisë.
- 11.2.** Mbledhjet e Asamblesë se Ortakëve organizohen në përputhje me dispozitat ligjore në fuqi.
- 11.3.** Asambleja zhvillohet ne mënyrë te rregullt dhe vendos ne mënyrë te rregullt sipas kuorumit te parashikuar nga ligji.
- 11.4.** Mbledhjet e Asamblesë zhvillohen normalisht ne selinë e shoqërisë por, me vendim të sajin Asambleja mund te mblidhet edhe ne një vend tjetër brenda ose jashtë Shqipërisë.
- 11.5.** Ortakët njoftohen njoftohen për mbledhjen e asamblesë te paktën 7 dite përpara dhe duhet te marrin njoftimin per datën, orën, vendin, rendin e ditës dhe te marrin kopjen e dokumenteve qe lidhen me rendin e ditës.
- 11.6.** Mbledhjet e Asamblesë se Ortakëve mund te thirren nga Administratori/administratorët, ose nga subjekte te parashikuar ne ligj.
- 11.7.** Asambleja e përgjithshme është përgjegjëse për marrjen e vendimeve për shoqërinë për çështjet e mëposhtme:
 - a) përcaktimin e politikave tregtare të shoqërisë;
 - b) ndryshimet e statutit;
 - c) emërimin e shkarkimin e administratorëve;
 - ç) emërimin e shkarkimin i likuiduesve dhe të ekspertëve kontabël të autorizuar;
 - d) përcaktimin e shpërblimeve për personat e përmendur në shkronjat "c" dhe "ç" të kësaj pike;
 - dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
 - e) miratimin e pasqyrave financiare vjetore dhe të raporteve të ecurisë së veprimtarisë;

- ë) zmadhimin dhe zvogëlimin e kapitalit;
- f) pjesëtimin e kuotave dhe anulimin e tyre;
- g) përfaqësimin e shoqërisë në gjykatë dhe në procedimet e tjera ndaj administratorëve;
- gj) riorganizimin dhe prishjen e shoqërisë;
- h) miratimin e rregullave procedurale të mbledhjeve të asamblesë;
- i) çështje të tjera të parashikuara nga ligji apo statuti.

Vendimet e paregjistruara në regjistrin e vendimeve janë absolutisht të pavlefshme. Shoqëria nuk mund t'i kundrejtojë pavlefshmërinë të tretit, që ka fituar të drejta në mirëbesim, përveç rastit kur shoqëria provon se i treti ka pasur dijeni për pavlefshmërinë, apo në bazë të rrethanave të qarta nuk mund të mos kishte pasur dijeni për të.

11.8 Mënyra e thirrjes

1. Asambleja e përgjithshme thirret nëpërmjet një njoftimi me shkresë ose, nëse parashikohet nga statuti, me njoftim nëpërmjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.
2. Kur asambleja e përgjithshme nuk është thirrur sipas pikës 1 të këtij neni, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

11.9 Kuorumi

1. Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave. Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, sipas nenit 87 të këtij ligji, ajo mund të marrë vendime të vlefshme vetëm nëse ortakët që zotërojnë më shumë se gjysmën e numrit total të votave janë të pranishëm personalisht, votojnë me shkresë, apo mjete elektronike, sipas parashikimeve të pikës 3 të nenit 88 të këtij ligji.
2. Nëse asambleja e përgjithshme nuk mund të mbledhet për shkak të mungesës së kuoromit të përmendur në pikën 1 të këtij neni, asambleja mbledhet përsëri jo më vonë se 30 ditë, me të njëjtin rend dite.

11.10 Marrja e vendimeve

1. Me përjashtim të rasteve kur statuti parashikon një shumicë më të lartë, asambleja e përgjithshme vendos me tri të katërtat e votave të ortakëve pjesëmarrës, siç përcaktohet në pikën 1 të nenit 86 të ligjit Për Shoqëritë Tregtare, për ndryshimin e statudit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.
2. Me përjashtim të rasteve kur parashikohet ndryshe në këtë ligj ose në statut, për çështjet e tjera të renditura në nenin 81 të ligjit Për Shoqëritë Tregtare, asambleja e përgjithshme vendos me shumicën e votave të ortakëve pjesëmarrës.
3. Me përjashtim të rasteve kur parashikohet ndryshe në këtë ligj, vlefshmëria e vendimeve, që përcaktojnë detyrime shtesë mbi ortakët, apo vendimet që kufizojnë të drejtat e tyre, të parashikuara në këtë ligj ose në statut, kushtëzohet nga miratimi i ortakut përkatës.

11.11 Përjashtimi nga e drejta e votës

1. Ortaku nuk mund të ushtrojë të drejtën e votës nëse asambleja e përgjithshme merr vendim për:
 - a) vlerësimin e veprimtarisë së tij;
 - b) shuarjen e ndonjë detyrimi në ngarkim të tij;
 - c) ngritjen e një padie ndaj tij nga shoqëria;
 - ç) dhënien ose jo të përfitimeve të reja.
2. Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interesi, ashtu si dhe ortaku, të cilin përfaqëson.

NENI 12.

VITI FINANCIAR.

12.1. Viti financiar i shoqërisë fillon me 1 janar dhe mbaron me 31 dhjetor. Përjashtimisht, viti i parë financiar fillon nga data e rregjistrimit të shoqërisë në Qendrën Kombëtare të Biznesit dhe mbyllet me 31 Dhjetor.

12.2. Bilanci i shoqërisë mbahet në përputhje me ligjin, miratimi dhe cdo veprim tjetër merret në përputhje me parashikimet ligjore.

NENI 13.

PRISHJA DHE LIKUIDIMI I SHOQËRISË.

13.1. Procedura e likuidimit e parashikuar në ligjin nr. 99 01, date 22.04.2008 “Për Tregtarët dhe Shoqëritë Tregtare” zbatohet në rastin e prishjes së shoqërisë.

13.2. Shoqëria me përgjegjësi të kufizuar prishet:

- a) kur mbaron kohëzgjatja e parashikuar në themelimin e saj;
- b) me vendim të asamblesë së përgjithshme;
- c) me hapjen e procedurave të falimentimit;
- ç) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për Qendrën Kombëtare të Regjistrimit";
- d) me vendim të gjykatës;
- dh) për arsye të tjera, të parashikuara në statut ose në legjislacionin shqiptar.

Prishja e shoqërive tregtare ka si pasojë hapjen e procedurave të likuidimit në gjendjen e aftësisë paguese, me përjashtim të rasteve kur është nisur një procedurë falimentimi.

Likuidimi kryhet nga likuiduesit e emëruar nga asambleja e përgjithshme.

Nëse asambleja e përgjithshme nuk merr një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues

DISPOZITA PËRFUNDIMTARE

NENI 14.

LIGJI I ZBATUESHËM.

14.1. Shoqëria do të kryejë veprimtarinë e saj në përputhje me këtë statut dhe me parashikimet e ligjeve shqiptare. Për sa nuk është parashikuar në këtë statut do të zbatohet ligji shqiptar nr. 9901, datë 22.04.2008 "Për Tregtarët dhe Shoqëritë Tregtare".

14.2. Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindë midis Shoqërisë dhe të tretëve, do të jetë kompetente Gjykata Shqiptare

14.3. Ky akt themelimi dhe statut hartohet dhe nënshkruhet në 5 kopje origjinale sot më 05/05/2021, në Tiranë.

Ortaku

Arjeta Puca

Arjeta Puca

